

ծիաները բռնած, սպասում էին մեր երկու դավազները: Մենք հեծանք, սկսեցինք դիմել դեպի Թօփրակ-կալէ եւ միւս հնուօթիւնները:

Դուրս գալով քաղաքից, երբ փոքր-ինչ հեռացանք, մեր շրջակայքում բացոեցան հիանալի տեսարաններ. մի կողմում երեւում էր կանաչազարդ Այգեստանը, երեւում էին եւ Վարազայ կանաչազարդ լեռները, որոնց կուրծքի վրայ, խորին ջերմեռանդութեամբ գրկոած, բազմել էր Վարազայ գեղեցիկ վանքը: Միւս կողմում, մանիշակագոյն հայելիի նման, փայլում էր Վանայ ծովակը: Այդ ծոածեւ հայելին դրոած էր հիանալի շրջանակի մէջ, որը բոլորում էր նրա գեղագրական եզերքը, մեղմ, ալիքաւոր բարձրութիւններով, դրանք էին՝ Արտոս, Արնոս, Սիփան, Նեբրովթ եւ Գրգուռ լեռները, որոնց գօտիները չօրէք կողմից սեղմել էին իրանց մէջ ջրի այդ մեծ աւազանը:

Կարծես այդ աշխարհում հեթանոսական եւ քրիստոնէական ժամանակների յիշատակարանները դեռ մինչեւ այսօր մրցութիւն էին անում միմեանց հետ: Մի կողմում, բեւեռագրերով զարդարոած փառաւոր շինոածքների ցոյց էին տալիս ամենահին անցեալի վրայ, միւս կողմում, սփռոած էինք տեսնում բազմաթիւ վանքեր ու եկեղեցիներ: Այդ վանքերը դեռ շէն էին եւ լի բազմաթիւ կրօնաւորներով: Իսկ նրանց կողքին, մենք գնում էինք տեսնելու մի հին, մոռացոած մեհեանի տխուր աւերակները...

Վերջապէս, հասանք Թօփրակ-կալէ: Այդ աւերակ բերդը ուրիշ անուններ եւս ունի. նա կոչուում է Ակոփու-քար եւ Չըմփ-զըմփ-մաղարայ: Բայց այդ երեք անուններից եւ ոչ մէկը նրա նախնական անունը չէ. դրանք ստացուել են վերջին ժամանակներում: Ինչպէ՞ս էր կոչուում նա առաջ. ոչ ոք չգիտէ, պատմութիւնը լռում է այդ մասին: Այդ բերդը մի ամբողջ քաղաք է եղել, որ այժմ ծածկուել է ահագին հողակոյտերի ներքոյ: Հէնց այդ է պատճառը, որ նրան թուրքերի բառերով կոչում են Թօփրակ-կալէ (Հղաբերդ): Գուցէ այդ անյայտացած քաղաքը այն կախարդոած «պղնձե քաղաքը» լիներ, որ մինչեւ այսօր վանեցոց աւանդութիւնների մէջ պահպանել է իր դժբախտ, առասպելական պատմութիւնը: Չար վիուկի դիւթելով, ամբողջ քաղաքը իր պարիսպներով, տներով եւ բնակիչներով անշարժ պղինձ է դառնում: Ասլանը ասում էր ինձ, այդ աւանդութիւնը ճիշտ է միայն այն կողմից, որ եթէ այդ հողակոյտերի մէջ փորոածքներ անելու լինեն, մետաղեայ բոլոր առարկաները կը գտնեն պղնձից շինոած, որովհետեւ այդ աւերակները պատկանում են պղնձե դարաշրջանին: Եւ իրաւ, որպէս պատմեց մեզ մեր առաջնորդը, այնտեղ գտել էին զանազան պղնձե զարդեր, պղնձե զէնքեր, պղնձե տնային կարասիք եւ մինչեւ անգամ պղնձե մարդիկ: